

31 декабря, Мч. Севасти́ан Медиоланский и дружина его

ВЕЧЕРНЯ

Стихиры на «Господи, воззвах»

Канонарх: Глас 4, Гóсподи, воззва́х к Тебе́, услы́ши мя.

Лик: Гóсподи, воззва́х к Тебе́, услы́ши мя./ Услы́ши мя, Гóсподи./
Гóсподи, воззва́х к Тебе́, услы́ши мя:/ вонми́ гласу моле́ния
моего́,/ внегда́ воззва́ти ми к Тебе́.// Услы́ши мя, Гóсподи.

Да исправится моли́тва моя́,/ я́ко кади́ло пред Тобо́ю,/ воздея́ние
рукú моёю/ же́ртва вече́рняя. // Услы́ши мя, Гóсподи.

Глас 4, среда на 3

На 6, стих: Аще беззако́ния на́зриши, Гóсподи, Гóсподи, кто постои́т? /
Я́ко у Тебе́ очище́ние есть.

На Крестъ воздвига́ем,/ и копи́ем пробода́ем,/ и пёрсты
окровавля́ем Влады́ко,/ свобождéние подписа́л еси́ на́м,
Преблагый,/ и рукописа́ние Ада́ма прароди́теля растерза́в,
свободи́л еси́ челове́ческое существо́./ Сего́ ра́ди воспева́ем,
Ще́дре, // ю́же па́че ума́ Твою́ благосто́йню.

Стих: Имене ра́ди Твоего́ потерпéх Тя, Гóсподи, потерпé душа́ моя́ в сло́во
Твое́, /

упова́ душа́ моя́ на Гóспода.

Воспева́ем Твою́ страда́ния, Влады́ко Иисýсе:/ Крестъ, копи́е же и
трóсть, губу́ и гвóздя, / биéния, багряни́цу, и вене́ц от те́рния, /
оплева́ния же и поруга́ния, я́же претерпéл еси́ во́лею./ Велича́ю

31 декабря, Мч. Севасти́ан Медиоланский и дружина его

Твоё незлобиве,/ Еди́не Жизнода́вче долготерпéние,// и véрою славослóвлю Тя, Человеколю́бче.

На 4, стих: От стра́жи у́тренняя до но́щи, от стра́жи у́тренняя, / да упова́ет Изра́иль на Го́спода.

Кресту́ Твоему́ честному́ поклоня́юся, Преблагий,/ любóвию обლობы́зая,/ и сла́влю Твоё éже па́че ума́ соше́ствие,/ безме́рную мило́сть и неизрече́нныя щедро́ты,/ и богáтую благосты́ню,/ ея́же ра́ди спáсл еси́ челове́ческое естество́,/ содержи́мо бы́вшее во тьме́ прегреше́ний.// Сла́ва, Христé, распя́тию Твоему́.

Мч. Севасти́ан Медиоланский и дружина его

Глас 1: Стих: Я́ко у Го́спода мило́сть, и мно́гое у Него́ избавле́ние, / и Той́ изба́вит Изра́иля от все́х беззакóний его́.

Крове́й твои́х честны́х обагрéньми, мучени́че,/ устро́ил еси́ тебе́ самому́ порфи́ру многоце́нну,/ в ню́же оде́ваясь,/ живéши войсти́нну в Вы́шнем Ца́рствии,/ Бо́гу Всеца́рю предсто́я./ Того́ моли́ дарова́ти душа́м на́шим// мир и véлию мило́сть.

На 2, стих: Хвали́те Го́спода все́и язы́цы, / похвали́те Его́ все́и лю́дие.

С Севасти́аном стра́ждет Зо́й,/ Марк и Маркелли́н и Богому́дрый Тиву́ртий,/ претерпе́вше трево́лнения́ боле́зней,/ и ны́не всели́шася к неболе́зненному́ и Божéственному́ упоко́ению,/ в нёмже мо́лятся// дарова́ти душа́м на́шим мир и véлию мило́сть.

Стих: Я́ко утверди́ся мило́сть Его́ на нас, / и исти́на Госпо́дня пребыва́ет во ве́к.

31 декабря, Мч. Севасти́ан Медиоланский и дружина его

Непобедимии мученицы,/ земли земная оставльше, к Небесем
востекосте,/ вашими ранами украшени/ и честными страданиями
светло упещрени, блаженнии./ Темже молитесь// даровати ду-
шам нашим мир и велию милость.

Слава, и ныне, глас 1: Слава Отцу, и Сыну, и Святому Духу, /
и ныне, и присно, и во веки веков. Аминь.

Дева Нескверная,/ иногда на Древе видевши,/ Егоже роди из
безсеменных утробы,/ не терпящи утробного уязвления,/ власы
терзаючи, глаголаше:/ манием Содержай тварь всю,/ како, яко
осужденный,/ на Крест вознесен еси, // всяко хотяи спасти
человечество?

Стихиры на стиховне

Глас 4, среда на 3

Канонарх: Глас 4, Оружие непобедимое, Христе,

Лик: Оружие непобедимое, Христе,/ Крест Твой дал еси нам:// и
сим побеждаем прилоги чуждаго.

Стих: К Тебе возведох очи мой живущему на Небеси. Се яко очи раб в ру-
ку господий своих, яко очи рабыни в руку госпожи своея, тако очи наши
ко Господу Богу нашему, /
дондеже ущедрит ны.

Всегда имуще Христе,/ Крест Твой на помощь, // сети вражия
удобь попираем.

Стих: Помилуй нас, Господи, помилуй нас, яко по многу исполнихомся
уничжения: наипаче наполнися душа наша поношения гобзующих /
и унижения гордых.

31 декабря, Мч. Севасти́ан Медиоланский и дружина его

Иму́ще дерзнове́ние ко Спа́су, святѣи,/ моли́те непреста́нно за
на́и грѣшныя,/ оставле́ние прегреше́ний прося́ще,// и душа́м
на́шим ве́лию ми́лость.

Слава, и ныне, глас 4: Сла́ва Отцу́, и Сы́ну, и Свято́му Ду́ху, /
и ны́не, и прѣсно, и во ве́ки веко́в. Ами́нь.

Распина́ема Христа́ Человеколю́бца ви́дящи, Пречи́стая,/ и
ре́бра ископова́ема копи́ем, пла́чуши вопия́ше:/ что́ сие́, Сы́не
Мо́й?/ что́ Ты́ безблагодáтнии лю́дие возда́ша,/ за я́же сотвори́л
еси́ до́брая ѿм,/ и тщи́шия безча́дствовати Мя́,
Вселею́бейший?// Удивля́юся, Благоутро́бне, Твоему́
во́льному распя́тию.

Тропари

Тропарь Мч. Севасти́ан Медиоланский и дружина его, глас 4.

Му́ченицы Твоѣ́, Го́споди,/ во страда́ниях своѣ́х венцы́ прия́ша
нетле́нныя от Тебе́, Бо́га на́шего,/ иму́ще бо кре́пость Твою́,/
мучи́телей низложи́ша,/ сокруши́ша и де́монов немощны́я
де́рзости,/ тех моли́твами// спаси́ ду́ши на́ша.

Сла́ва Отцу́, и Сы́ну, и Свято́му Ду́ху, и ны́не, и прѣсно, и во
ве́ки веко́в. Ами́нь.

Богородичен по гласу от малых, глас 4:

Де́во Пренепоро́чная, Ма́ти Христа́ Бо́га,/ ору́жие про́йде Твою́
пресвяту́ю ду́шу,/ егда́ распина́ема ви́дела еси́ во́лею Сы́на и Бо́-
га Твоего́,/ Егóже, Благослове́нная, моля́щи не преста́й// про-
ще́ние прегреше́ний нам дарова́ти.